

COVID-19 aakoziwin giigechigan

Wegonen iwe Giigechigan?

Daabishkoo mashkiki iwe giigechigan. Gidaa-bajiishka'ogo onji gemaa gidaa-mina'igoo.

Aaniin ezhichigemagak giigechigan?

Gaawin giga-aakozisii miinigoowin giigechigan. Bebakaan dasinon giigechiganan onji bebakaan aakoziwinan eyaamagakin.

Ji-gotanziwan ina giigechiganan?

Eya. Mashkikiwininiwag zhidwa gekendaasowaad enigok odazhiikaanaawaan jinaniizaanisinogin. Gaa-minosegin giigechiganan eta bagidinigaadewan omaa Canaada. Waawiiba ganawaabanjigaadewan daga onizhishingin.

Giigechigan ina ayaamagad onji COVID-19 aakoziwin?

Eya', aanind oshki-ayaamagadoon onji COVID-19 aakoziwin.

Gaawin ina naniizaanisinon COVID-19 giigechiganan? Aapiji ajina giiozhichigaadewan.

Eya. Mashkikiwininiwag zhidwa gekendaasowaad enigok odazhiikaanaawaan jinaniizaanisinogin COVID-19 giigechiganan. Gaa-minosegin giigechiganan eta bagidinigaadewan omaa Canaada. Waawiiba ganawaabanjigaadewan daga onizhishingin.

Nindaa-ondinaan ina COVID-19 onji giigechiganing?

Gaawin. Gaawin gidaa-ondinanziin COVID-19 onji imaa. Giigechigan giwiji'igon jimiigaading COVID-19 aakoziwin.

Gegoo na gidinaapine onji COVID-19 giigechigan?

Maagizhaa ishkwaadaapinaman, gegoo gidaa-inamanjiw. Maagizhaa ginik gidaawisagendam ishkwaabajiishka'ogowan. Maagizhaa gaye gidaa-ayekoz gemaa gidaa-gizhiz. Mii ezhiseg giyaw moozhitood iwe giigechigan. Maagizhaa aaniin dasogon ge-moozhitoooyamban.

Maagizhaa aanind awiyag oadaa-manzhishkaagonaawaa' giigechigan. Maagizhaa igi awashime daa-inamanji'owag. Aapiji dash waawiikaa owe izhise.

Ginwezh idash moozhitooaan ishkwaadaapinamaan?

Maagizhaa bakaan gegoo gigii-gaachidinaan jibwaa odaapinaman giigechigewin. Giishin gegoo izhi-ayaayan awashime ningo-giizhig gemaa niisho-giizhig, maagizhaa gidani-aakoz. Ji-nishike-ayaa'idizoyan (gego besho izhaaken awiya) maagizhaa gaye gidani-aakoz.

Awenen niigaan ge-miinind giigechigan?

Mashkikiwininiwag, mashkikiwikweg zhidwa mino-ayaawin enokaadamowaa nitam damiinaawag omaa Manitoba.

Aanind gaye niinamiziwaad ge-gichi-aakozishkaawaapan gewinawaa nitam damiinaawag. Daabishkoo getaadiziwaad, zhidwa bebakaan Anishinaabeg.

Aanapii ge-miinigooyamaan giigechigan?

Ginwezh ji-ozhichigaade giigechigan gakina awiya onji. Bebakaan dasing da-miinaawag bebakaan awiyag. Gichi-ogimaawin zhidwa gekendamowaad wiidanokiindiwag jionashowaadamowaad owe. Awashime wiindamaagewin da-miigiwem apii jimiinindwaaban awiyag giigechigan.

Onjida na giyaabi ji-gibiingwepizowaan ishkwaadaapinamaan giigechigan?

Eya'. Gibiingwepizoyan, besho izhaasiwan awiya giga-wiji'igon zhidwa awiyag jigaachidinanzigwaa.

Ji-diba'igeyaan ina giigechigan onji?

Gaawin diba'igesiim giigechigan onji omaa Manitoba.

Onjida na ji-odaapinamaan giigechigan?

Giin gidaa-ikid daga wii-odaapinaman COVID-19 giigechigan. Gaawin gidaaodaapinanziin giigechigan.

Bebakaan awiyag nanaandok odidaanaawaa' iwe giigechigan. Maagizhaa aanind ini giwanimowinan. Gidaa-gaganoonaa awiya mino-ayaawin enokaadang awashime jigikendaman iwe giigechigan. Giga-wiindamaagoog ge-noonde-gikendaman.